

華東師範大學圖書館藏
稀見叢書匯刊

黃秀文 吳平◎主編

北京圖書館出版社



黃秀文 吳平◎主編

北京圖書館出版社

21

華東師範大學圖書館藏

稀

見

叢

書

匯

刊



第二十一冊目錄

《高梅亭讀書叢鈔·唐宋八家鈔》……………	一
昌黎文下……………	一
柳州文……………	一四一
廬陵文上……………	二七三
廬陵文下……………	四〇五

唐宋八家鈔卷二目錄



昌黎文下

送鄭尚書序

送許郢州序

贈崔復州序

送殷員外序

送楊少尹序

送石處士序

送溫處士赴河陽軍序

送董邵南遊河北序

送孟東野序

送王含秀才序

送王埴秀才序

送齊皞下第序

送李愿歸盤谷序

送浮屠師文暢序

送廖道士序

送高閑上人序

荆潭唱和詩序

新修滕王閣記

燕喜亭記

藍田縣丞廳壁記

太學生何蕃傳

巧者王承福傳

毛穎傳

張中丞傳後敘

平淮西碑

南海神廟碑

殿中少監馬君墓誌

南陽樊紹述墓誌銘

柳子厚墓誌銘

祭田橫墓文

祭柳子厚文

祭十二郎文

祭鱠魚文

計文三十三篇

起數句直提大府二字領案

先叙四府之事
大府以見體統
是專此層寬

送鄭尚書序

鄭權字復當開封人
貞元六年舉進士第

起法○提法

嶺之南其州七十其二十二隸嶺南節度府其四十餘分四府

各置帥然獨嶺南節度為大府通典嶺南五府經畧使治廣州邕州容管經畧使治

容州桂管經畧使治桂州鎮南經畧使治交州大府始至四府必使其佐啟問起居謝守

地不得即賀以為禮歲時必遣賀問致水土物大府帥或遣過其

層內又分及如既至適位三層

府府帥必戎服左握刀右屬弓矢帕首袴鞬迎郊及既至大府帥

先入據館帥守屏若將趨入拜庭之為者大府與之為讓至一再

乃敢改服以賓主見適位執爵皆興拜不許乃止虔若小侯之事

亦見主謀之難先舉所屬之境言

大國有大事諮而後行隸府之州離府遠者至三千里懸隔山海

次叙屬州遼瀾。遼瀾難治。兼之海外諸國。撫馭更重。以見責任之重。此層緊後歸到得人。上恰好引起鄭公。此段標舉治法。治人不粘鄭公。說此虛處用實法。

使必數月而後能至。蠻夷悍輕。易怨以變。其南州皆岸大海。多洲島。颶風一日踔數千里。漫瀾不見蹤跡。控御失所。依險阻結黨仇。機毒矢以待將吏。撞塘呼號以相和。應蜂屯蟻雜。不可爬梳。好則人怒。則獸故。常薄其征。入簡節而疏目。時有所遺漏不究切之。長養以兒子。至紛不可治。乃草薶而禽獮。上之。秋田曰。盡根株痛斷。乃止其海外雜國。若耽浮羅。流求毛人。夷豆之州。林邑。扶南。真臘。于陀利之屬。山海經海外有毛民之國。郭璞云。吳璩樓黃龍二年。使人浮海求夷州。夷州在海中。所在絕遠。卒不可至。但得夷州數千人。還林邑。一曰。環王在交州南。東海行三千里。真臘一曰。吉蔑在林邑西北。去京師二萬七百里。南際天地。以萬數。或時候風潮。朝貢蠻夷賈。古人。船白。交海中若。

後落到鄭公是
本篇正大寓規
於頌立言有體
入正位後却
微開木任追舉
前事借規之此
實處用虛法

○嶺南帥得其人則一邊盡治不相寇盜賊殺無風魚之災水旱癘

○承海外國一段

○毒之患外國之貨日至珠香象犀玳瑁奇物溢於中國不可勝用

○故選帥常重於他鎮非有文武威風知大體可畏信者則不幸往

○往有事○世得曰為郡帥首則須文、變多變則須武、遠間海外則須威風、知大體承文可畏承武不但可畏而又可信、方有

○威風而後可○實落鄭公長慶三年四月以工部尚書鄭公為刑部尚書兼御

史大夫往踐其任鄭公嘗以節鎮襄陽又帥滄景德棟歷河南尹

華○去聲州刺史皆有功德可稱道入朝為金吾將軍散騎常侍工部

○侍郎尚書家屬百人無數畝之宅僦屋以居可謂貴而能貧為仁

○者不富之效也及是命朝廷莫不悅將行公卿大夫苟能詩者咸

相率為詩以美朝政以慰公南行之思韻必以來字者所以祝公
○結○語○規○頌○兼○到○
成政而來歸疾也

蔡聞之曰首叙其權之大足以有為次序關係之重勉以處置
之宜在言外末規其廉祝其成政而來筆極雅

沈歸愚曰古奧錯綜法度亦極嚴整○鄭權因鄭注通王守澄
以得節鎮非清節者文中以廉風之稱其仁而不富即岑參送
人南海作尉謂此鄉多寶玉慎勿厭清貧也立言之妙如此
公序行文多用議論以疎宕勝此獨用叙事體古奧謹嚴雄傑
之氣蟠結楮墨此等文洵足起八代之衰

不鋪叙嶺南山
川物畧獨稱府
帥統馭之體及
邊境易叛難治
以見其任重末
復以廉節政成
望之知古人贈
言頌揚之詞少
告誡之意多也
但規規訓正便
少活句且失文
體讀此可悟虛
者實之實者虛
之之妙

首段借前書之見復為今贈作

送許鄆州序

以前書為引

鄆州、今安陸府、許名志雍、時于頔節制山南東道、敕民方急、韓公於送志雍時序以規之

愈嘗以書自通於于公累數百言其大要言先達之士得人而託

括前書大意即伏中間成同敗異之旨

之則道德彰而名問流後進之士得人而託之則事業顯而爵位

喜字以說

通下有矜乎能有矜乎位雖恒相求而喜不相遇于公不以其

提起于公加一勸矜謹正

言為不可復書曰足下之言是也于公身居方伯之尊蓄不時之

為後言激發

材而能與卑鄙庸陋相應答如影響是非忠乎君而樂乎善以國

家之務為已任者乎愈雖不敢私其大恩抑不可不謂之知己恒

矜而誦之情已至而事不從小人之所不為也故於使君之行道

二、句、雙、落、

二、句、提、一、篇、之、骨、

刺史之事以為于公贈凡天下之事成於自同而敗於自異為刺

中段規于公也
以刺史伴說而
意却重觀察遠

末段規鄧州也
即以贈于公者
贈之觸處靈通

史者恒私於其民不以實應乎府為觀察使者恒急於其賦不以
情信乎州繇是刺史不安其官觀察使不得其政財已竭而斂不
休人已窮而賦愈急其不去為盜也亦幸矣誠使刺史不和於其
民觀察使不急於其賦刺史曰吾州之民天下之民也惠不可以
獨厚觀察使亦曰某州之民天下之民也斂不可以獨急如是而
政不均令不行者未之有也其前之言者于公既已信而行之矣
今之言者其有不信乎縣之於州猶州之於府也有以事乎上有
以臨乎下同則成異則敗者皆然也非使君之賢其誰能信之愈
於使君非燕游一朝之好也故其贈行不以頌而以規

沈歸愚曰。送郢州。則郢州是主。于公是賓。然借郢州以規于公。重斂。又于公是主。郢州是賓。美末段。仍規郢州。却隱然帶着于公作法之妙。不可思議。

月と夕金

しう

明榮一層作賓是

難一層作主是

贈崔復州序

復州今湖北沔陽州亦于襄陽屬州

突兀豪橫

有地數百里趨走之吏自長史司馬已下數十人其祿足以仁其

三族及其朋友故舊樂乎心則一境之人喜不樂乎心則一境之

人懼丈夫官至刺史亦榮矣雖然幽遠之小民其足跡未嘗至城

邑苟有不得其所能自直盡言以相正也於鄉里之吏者鮮矣況能自辨

於縣吏乎能自辨於縣吏者鮮矣況能自辨於刺史之庭乎由是

刺史有所不聞小民有所不宣賦有常而民產無恆水旱癘疫之

不期民之豐約懸于州縣令不以言連帥不以信民就窮而斂愈

急吾見刺史之難為也崔君為復州其連帥則于公崔君之仁足

唐宋八家少昌黎

卷二 贈崔復州序

張難取收規頌
卷五

以蘇復人于公之賢。足以庸崔君有刺史之榮。而無其難為者。將
在於此乎。愈嘗辱于公之知。而舊遊於崔君。慶復人之將蒙其休
澤也。於是乎言。

儲同人曰。章法爽朗。用意甚深。為于公言之也。又一贈法。
此與送許郢州。皆對于公。以民窮敘急立論。然用意同。而作法
別。正可互參。